

'Lluigneg Te's'gl Gina'masuti'l



Gisite'tmi'tij:

Brandon Mitchell

Natasha Martin-Mitchell

Gisimawilugwatmi'tij:

Vicky Metallic

Milaine Mercier-Pitre

'Nnu'gina'muejig : Mary Ann Metallic aqq Janice Vicaire

Napwi'gigng Gisa'laji : Brandon Mitchell

Copyright © 2020 Listuguj Education, Training & Employment

All rights reserved. Images cannot be duplicated or reproduced without written consent of the copyright holders of this resource.

Title : 'Lluigneg Te's'gl Gina'masuti'l

ISBN : 978-1-989538-16-6

Date : 202009




“Siawimuinuignewa'tu'g 'Gtli'sutiminu”
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca

Funded by the
Government
of Canada

Canada

'Lluigneg Te's'gl Gina'masuti'l





Tewjiuligisg'geg, je mu geituggweg.

Me' piamite'tmu'gupnn 'g-phone-minal.

Je mu ninen geitueg's ta'n telialitepgiseieg.

Gatu 'Mmi'giju' geitoqop aqq ajipjulugsieg'p
me' wjitgweiwanen 'ms't wen.





Goqwajite'taqan

Na Ta'ta apoqonmaqap gepto'tasij
tepaqanigtug. Teliunaqa'tuaneg
pugumatignatgw, nemituap teme'g.

Mu geituap ta'n tla'tegegg. Telta'siap
ni'n gisisuisga'tu. Jipaqa'siap, na
nugumij najipanimg'p ta'n tla'tegegg.

Telimip, "Najignua'tu gujj. Me' ajiglulg
wen goqwaje'g."





Getleweiuti

"Ta'ta, telte'tm gisipejisuisga'tu
pugumatignatgw."

Ta'ta wesgewigwa'sit aqq teluet,
"Moqwa' Gwi's, ni'n na pejisuisga'tuap
etltepo'tasianeg nutepaqang."

Ta'ta teluet, "Welta'si gisijugu'et'sg
aqq gisitlimit'sg giasgiw goqwei."

Toqo gepta'toq ligpenign aqq teluet,
"Mesgeii. Nige' ma' gisinajiwsgew.
Mu talte'tmu'n najigmu'jmine'gen?"






Wanqwajite'taqan

Amgwes gmu'jmine'gei, mu telta'siwap
ta'n tlimtue'gt'tew. Gisijilapete'm
'ntlaign gmu'jminaqsigtug.
Pipanigesigapnn ugjit apoqonmati.

Weliaq 'ngwe'ji'j ta'n teltepaw eig.
Wejgu'ep aqq a'jijgopilmuip 'ntluign.
Telimg'p, "Wela'lin ta'n teliapoqonmuin.
Tewjiulm'tu'n."





Gepmite'taqan

Pemiapaja'tie'g gampigtug, nemitueg'p
natgoqwei etoqteg samuqwanigtug.
Telta'sieg'p ta'n tlgiso'qoniss suiste'meg.

Giju' nemugsieg'p aqq naqa'lugsieg'p.

Teluep, "Gopit na gisigeplutoq sipuji'j.

Amuj pa gepmite'tmn 'ms't mimajuaqan ula
nipugt."





Mlgigno'ti

Nutmeg'p natgoqwei metewapaqtesg
samuqwanigtug. Jipaqimugsieg'p.

Giju' aqq telimugsieg'p.

"Gopit na teligtuapsit ugjit
angweiasin aqq ma'w ugg'jipanji'jmg."

Gopit geligej na saqsigwete'tew
ugsuguni samuqwanigtug enmiaq wenn
tepawa'sinnij ta'n eimu'tinniji ugg'jipanji'jmg.
Na teligtuapsit. Amuj pa na eliamuggwig.
Mlgigno'ti na neia'toq ugjit gaqamutuan
ta'nig getangwi'tiji.





'Ns'tuo'qon

Welqatmu'tie'g ula wela'gw. 'Mmi'ta'ta
a'tugwatg'p 'nnue'gati aqq ta'n teloltipnig
maljewe'juulti'titeg.

Teluep, "Gepme'g na 'ms't mimajuaqan,
ma'w ta'n te's'g mimajuaqan nipugtei."

'Mmi'ta'ta teluet, "Gaqawpiltuei goqwei
weja'tegemgeg tewjeianeg 'st'ge' gilew.
Ginu na telteg ango'tmnenu nigpugt.
Wi'sisg na geitu'tij ta'n tliangweiasultitaq
ugjit sapawsultinew. Ta'n ninen
gistla'taqatitesnen na gegina'muleg
ta'n goqwei geitueg gulaman gilew
gisisiawgina'mattoqs'p."





'Gsalsuti

Gesgmnaq nepawe'g, telimg'pnig 'ngij aqq nujj, "Pugwelg ta'n goqwei gisgnu'tmasieg gisgug. Nige' geitueg amuj pa na weleiajig mimajuinu'g aqq wi'sisg, aqq welo'tmn ugs'tqamu."

Giju' aqq Ta'ta telimugsieg ta'n tewjigsalugsieg.

'Mmi'giju' aqq 'Mmi'ta'ta telimugsiegig,
" 'Gsalsuti na mawiespite'tas'g aqq
mawignaqq 'mpisun."



NA



“Siawimuinignewa’tu’g ‘Gtli’sutiminu”
Listuguj Education, Training & Employment
1 Riverside West,
Listuguj, QC G0C 2R0
www.listuguj.ca